



## Universitätsbibliothek Paderborn

**D. Petri Chrysologi Archiepiscopi Ravennatis, viri  
eruditissimi atque sanctissimi, Sermones In Evangelia De  
Dominicis & festis aliquot solemnioribus totius anni,  
insignes & peruetusti**

**Petrus <Chrysologus>**

**Lvgdvni, 1623**

De Pace, Sermo LIII.

[urn:nbn:de:hbz:466:1-50232](#)

apud desides creaturam, quæ lumini tantum condita  
lædere nescit, homines quos continua magis iuuare  
cogitur seruitute. Verum posteaquam venit occulto-  
rum cognitor, inspecto validissimus secretorum, cui  
latentia diaboli non poterunt obuiare figmenta, ad-  
ducitur puer sanandus præceptione diuina: ut quic-  
quid diabolus vinxerat, solueretur à Christo. Egit,  
egit inimicus ut hoc quod videbatur, esset naturæ.  
Sed quare discipuli non potuerunt eiicere cum? Quia  
hic homo, gentilis populi produxit in figuram:  
*Ephes. 1.* siquidem gentilis populus iuxta Apostolum, habe-  
bat spiritum aeris huius. Aeris, inquit, spiritus qui  
nunc operatur in filiis diffidentiae. Hic ergo erat fur-  
dus & mutus, qui nec audire legem poterat, nec  
Deum poterat confiteri, sed in igne gehennæ, & per  
aquas amari semper gurgitis iactabatur: nec pote-  
rat à discipulis, vel ullo homine sanari, quia Christus  
olim auditus fidei, confessio salutis, gentium redem-  
ptio dicebatur & vita. Denique ubi imperio Christi  
fugatus est diabolus, patescunt clausa, vincula soluun-  
tur, sermo redditur, auditus redit, homo reparatur, &  
solus diabolus deflet diuturna se possessione detru-  
sum. Hinc est quod veniens ex gentibus impositione  
manus, & exorcismis anticæ à dæmone purgatur, &  
aperitionem aurum percipit, ut fidei capere possit  
auditum, ut possit ad salutem prosequente Domino  
peruenire.

---

De Pace, Sermo LII.

*Matth. 5.* **B**EATI pacifici, ait Euangelista, Charissimi, quia ipsi  
filij Dei vocabuntur. Merito Christianæ virtu-  
tes virescunt in eo, qui vñaniunitatem Christianæ  
habet pacis, nec peruenitur ad vocabulum filij Dei,  
nisi per nomen pacifici. Pax est charissimi, quæ spoliat  
hominem

hominem seruitute, dat nomen ingenuum: mutat apud Deum cum conditione personam: ex famulo filium, liberum facit ex seruo. Pax fratrum voluntas est Dei, iucunditas Christi, perfectio est sanctitatis, iustitiae regula, magistra doctrinæ, morum custodia, atque in rebus omnibus laudabilis disciplina. Pax suffragium precum est, supplicationum facilis, atque impetrabilis via, desideriorum omnium competens plenitudo. Pax dilectionis mater est, concordiae vinculum, ac puræ mentis indicium manifestum, quæ sibi exigit de Deo quod velit: quæ quicquid voluerit, petit, quicquid petierit, sumit, Pax præceptis regibus conseruanda est, ipso Domino Christo dicente: Pacem relinquo vobis, pacem meā dō vobis, hoc est *Lan. 14.*  
 dicere: In pace vos dimisi, in pace vos inueniam: proficiens voluit dare quod desiderabat, rediens in omnibus inuenire. Cœlestē mandatum est seruare quod dedit: una vox est, inueniam quod dimisi. Plantare pacem radicitus est Dei: euellere, penitus inimici. Nam sicut amor fraternitatis ex Deo est, ita odium ex diabolo: quapropter damnanda sunt odia, quoniam scriptum est. Qui odit fratrem suum, homicida est. Videntis ergo fratres dilectissimi, quare pax amanda est, & diligenda concordia: ista sunt enim quæ generant & nutriunt charitatem: scitis autem secundum Apostolum, quia charitas ex Deo est: sine Deo ergo est, qui non habet charitatem. Pax plebis charissimi est gloria sacerdotis; & pacis plena lætitia est perfecta charitas filiorum. Sacerdotis est admonere quod decet, plebis est audire quod monet: quicquid non licet, pastoris est prohibere, gregis audire ac velle ne fiat: utraque si conueniant, salua sunt omnia, nec Deus inuenit in plebe quod puniat, nec sacerdos potest habere quod doleat.

*1. Ioan. 3.**1. Ioan. 4.*

Seruemus ergo fratres mandata quæ vitæ sunt, teneat se profundæ pacis nexibus colligata fraternitas, & salutari vinculo charitatis mutua se dilectione constringat, quæ operit multitudinem peccatorum. Dilectio ergo omnibus desideriis amplectenda est: quæ tot bona potest habere, quot præmia. Custodiēda præ omnibus virtutibus pax est, quoniam Deus semper in pace est. Locum non demus inimico, ne in tritici segete valeat seminare zizania, & seculo iam rusticō, & spe longi laboris eluso, expectatos fructus ipsa messis maturitate perdat, aut vinum vetustate suave in liquorem perfidiæ demutatum infusa fœcis permixtione conturbet, aut inter dulcia mella felle venena amatiora confundat. Procul contentiones, procul lites, procul maledicta mittantur: & quia laqueus est mortis, lingua susurronis & bilingualis, parcat unusquisque animæ suæ, ne in supplicium suum vincula sibi mortis innectat. Amate pacem, & tranquilla sunt omnia: ut & nobis præmia, & vobis gaudia reserueris, ut ecclesia Dei in pacis unitate fundata, perfectam in Christo teneat disciplinam.

---

*De Zachæo, Sermo LIV.*

**I**n*ter. 19.* **B**atus Euangelista proximè dum diuitis inhumi-ni vitam describit, & finem, humanos mouit & mœstificauit affectus: sed hodie Zachæi diuitis humanitatem, fidemque referendo, cœleste nos extulit, & prouexit ad gaudium. *Et ingressus, inquit, Iesus, perambulabat Hiericho.* Quare perambulat, non ambulat? Quia quod Moyses ambulauerat, perambulabat Christus: & populū quem Moyses induxit in via, Iesus ad quietem promissæ mansionis adduxit. *Perambulabat Hiericho.* Hiericho ciuitas ipsa est, quam *Iesus Nauē septeno tubarum clangore subuertit.* Sed quia